



Samstarfssamningur Mosfellsbæjar og Golfklúbbs Mosfellsbæjar (GM)

Mosfellsbær kt. 470269-5969 og Golfklúbbur Mosfellsbæjar kt. 650581-0329 (hér eftir nefnt GM) gera með sér svohljóðandi samstarfssamning:

1. grein

Tilgangur og markmið samningsaðila

Meginmarkmið samningsaðila er að tryggja öflugt og fjölbreytt íþróttastarf í Mosfellsbæ. GM skal hafa það að markmiði í starfsemi sinni að bjóða börnum og unglingum skipulagt íþróttastarf undir leiðsögn menntaðra og hæfra leiðbeinenda þar sem forvarnargildi íþróttanna er haft að leiðarljósi. Samhliða að leitast við að hlúa að keppnis- og afreksíþróttafólki þannig að það nái sem bestum árangri. Mosfellsbær mun styðja fjárhagslegan rekstrar- og starfsgrundvöll félagsins með samkomulagi um afnot íþróttamannvirkja og beinum fjárframlögum.

2. grein

Framlög Mosfellsbæjar

Mosfellsbær skal greiða GM árleg fjárframlög og skal félagið ráðstafa þeim á eftirfarandi hátt til starfsemi félagsins:

6.604.140. kr. Framlag til barna- og unglingastarfs

Framlaginu skal verja til barna- og unglingastarfs félagsins. Framlag hvers árs tekur mið af breytingum á launavísitölu útgefinni í nóvember árið áður, auk 3% hækkunar á ári til að mæta væntanlegri fjölgun iðkenda. Gera skal grein fyrir því hvernig framlaginu er varið í reglulegum skýrslum til Mosfellsbæjar.

Kort í líkamsrækt - Framlag til afreksþjálfunar

Mosfellsbær lætur félaginu í té 15 árskort í líkamsræktarstöð í Íþróttamiðstöðinni að Varmá. Markmið þessa er að tryggja sérhæfða styrktarþjálfun fyrir afreksíþróttafólk félagsins.

1.100.690. - Framlag til afreks- og styrktarsjóðs

Framlaginu skal varið til að styðja almennt við afreksfólk innan GM, vegna þátttöku á æfingum eða keppni með landsliði og öðrum líkum verkefnum. Einnig til að veita þjálfurum og leiðbeinendum félagsins styrk til að efla þá í starfi. Framlag hvers árs tekur mið af breytingum á launavísitölu útgefinni í nóvember árið áður, auk 3% hækkunar á ári til að mæta væntanlegri fjölgun iðkenda. Gera skal grein fyrir hvernig framlaginu er varið í reglulegum skýrslum til Mosfellsbæjar.

7.267.584. - Framlag vegna eigin afnota á íþróttamannvirkjum

Reiknað framlag Mosfellsbæjar vegna afnota GM af eigin íþróttamannvirkjum til æfinga fyrir börn og unglinga félagsins. Þetta tekur til æfingaaðstöðu innan- og utandyra, keppnisvallar og íþróttamiðstöðvar. Framlag hvers árs tekur mið af breytingum á byggingavísitölu útgefinni í nóvember árið áður. Gera skal grein fyrir hvernig framlaginu er varið í reglulegum skýrslum til Mosfellsbæjar.

Framlag til greiðslu fasteignagjalda vegna fasteigna í eigu GM

Á hverju ári samningstímans skal Mosfellsbær veita GM fjárframlag til greiðslu fasteignagjalda af fasteignum sem eru í eigu félagsins og eru nýttar sem slíkar.

Framlag til sumarstarfa

Vegna sumarverkefna félagsins greiðir Mosfellsbær árlega fjárhæð sem nemur 5 stöðugildum (140 stundum á hvert stöðugildi) í launaflokki 116 samkvæmt kjarasamningi Starfsmannafélags Mosfellsbæjar. Stjórn félagsins ákveður í samvinnu við framkvæmdarstjóra félagsins hvernig fjármagninu er ráðstafað innan félagsins.

Framlag frá Vinnuskóla Mosfellsbæjar.

Á sumrin nýtur félagið starfskrafta frá Vinnuskóla Mosfellsbæjar, en sækja skal um það 1. apríl ár hvert. Á hverju árið er metin þörf félagsins til starfskrafta og geta bæjarins til að mæta óskum þess.

3. Grein

Greiðslur

Framlag til barna- og unglingsstarfs, framlag í afreks- og styrktarsjóðs og afnot af eigin mannvirkjum eru greidd í tveimur jöfnum greiðslum 1. janúar og 1. júní ár hvert. Greiðslur taka mið af breytingum á launavísitölu útgefinni í nóvember árið áður, í fyrsta sinn nóvember 2017 vegna greiðslna fyrir 2018. Gera þarf grein fyrir hvernig framlögin eru nýtt í skýrslum til Mosfellsbæjar þegar að eftir því er leitað. Öll framlög til félagsins verða gerð sýnileg á vef bæjarins auk árschlutauppgjöra GM þegar þau liggja fyrir.

Félagið skal senda Mosfellsbæ reikninga fyrir fjárframlögum skv. 2. grein. Dagsetning reiknings skal vera 1. dagur þess mánaðar sem kveðið er á um greiðslu framlagsins. Mosfellsbær áskilur sér tvær vikur til úrvinnslu reiknings áður en hann er greiddur. Reikningar eru greiddir inn á þann bankareikning félagsins sem tilgreindur er á innsendum reikningi. Félaginu er óheimilt að veðsetja eða ávísa greiðslum skv. samstarfssamningi þessum til þriðja aðila.

Árlegar greiðslufjárhæðir eru ákvarðaðar með fyrirvara um fjárheimildir í árlegri fjárhagsáætlun Mosfellsbæjar.

4. grein

Samskipti samningsaðila

Stjórn GM tryggir að erindi til Mosfellsbæjar berist frá stjórn félagsins.

Íþrótt- og tómstundanefnd Mosfellsbæjar kemur fram fyrir hönd bæjarins varðandi framkvæmd samningsins.

Íþróttfulltrúi Mosfellsbæjar annast dagleg samskipti við GM vegna samningsins.

Formaður/framkvæmdarstjóri GM kemur fram f.h. félagsins við Mosfellsbæ varðandi dagleg samskipti og nánari framkvæmd samningsins.

Íþrótt- og tómstundanefnd fundar einu sinni á ári með fulltrúum GM.



5. grein

Ábyrgð stjórnar GM og upplýsingaskylda til Mosfellsbæjar

Stjórn GM ber ábyrgð rekstri og fjármálastjórn félagsins og tryggir að bókhald sé reglulega og réttilega fært. Í áætlunum fyrir næsta ár skal aðgreina rekstur unglíngastarfs frá öðrum rekstri og þurfa áætlanir að liggja fyrir 31. desember ár hvert.

Stjórn GM skuldbindur sig til að leggja fram gögn til Mosfellsbæjar um fjárhagsleg málefni félagsins svo og fjölda, aldur og kyn barna- og unglínga þegar eftir því er leitað. Gögnin verða hluti upplýsinga sem birtar verða á vef bæjarins um hvernig fjármunum sveitarfélagsins er varið.

Allir styrkir og framlög Mosfellsbæjar greiðast til stjórnar sem annast ráðstöfun greiðslna í samræmi við samninginn.

Samkomulag er um að félagið leitist við að hækka ekki æfingagjöld sín umfram hækkun launavísitölu á samningstímanum.

6. grein

Mosfellsbær áskilur sér rétt til að skilyrða allar fjárveitingar til íþróttá- og tómstundafélaga, að þau setji sér siðareglur, viðbragðs- og aðgerðaráætlun í tengslum við þær og skulu félögin fræða starfsfólk sitt um kynferðislega áreitni/ofbeldi og hvers konar annað ofbeldi. Einnig skal félagið stofna og/eða hafa aðgang að óháðu fagráði sem tekur á mótí ábendingum og kvörtunum iðkenda og ábyrgðaraðila. Félögin skulu sýna fram á að farið sé eftir jafnréttisáætlunum og jafnréttislögum í starfi og aðgerðaráætlun þar sé skýr. Hafi félagið ekki gert jafnréttisáætlun með aðgerðaráætlun skal það gert.


7. grein

Endurskoðunarákvæði og gildistími


Samningurinn gildir frá 01.01.2018 til 31.12.2028 og fellur þá úr gildi án uppsagnar. Fyrir 1. júní 2021 er samningsaðilum heimilt að endurskoða samninginn. Uppsagnarákvæði samningsins eru 6 mánuðir fyrir báða samningsaðila.

Mosfellsbær 14. júní 2018

F.h. Mosfellsbæjar


Haraldur Sverrisson
bæjarstjóri

F.h. Golfklúbbs Mosfellsbæjar


Kári Tryggvason
formaður

